

韶州府志卷十一

輿地畧

坊都

曲江縣元志四廂十四鄉五十一里明改七坊廂三十三都共四十里今仍之

文教坊在府治西

化城坊在府治西北

九成坊在府治西北

皇華坊在府治西

外廂在府治南門外

中廂在河西上

韶州府志卷十一

輿地畧 坊都 曲

下廂在河西下

長桂一都 長桂二都 長桂三都俱在城西北

八十里

綿普一都 綿普二都 綿普三都俱在城西北

七十五里

墨石一都 墨石二都俱在城西北七十里

大林都在城西北六十五里

布恩上都在城西四十里

布恩下都在城西北五十五里

平夏一都 平夏二都俱在城西七十里

上車都在城東北一百里

瀧下都在城東北二十里

洪義都在城東北三十五里

親賢一都在城東南六十里 親賢二都在城南

一百里

溲溪都在城東南六十五里

張村都在城南一百里

龍塘都在城南六十里

玉田都在城東南一百里

鳳冲都在城西南五十五里

鳳田都在城西南六十里

太平都在城西南六十五里

韶州府志卷十一

輿地畧 坊都曲江

一一

蒞俗都在城西二十里

賢相一都 賢相二都俱在城西南二十五里

仁務都在城南六十里

甘竹都在城南八十里

韶社都在城北九十里

上禮都在城南四十里

下禮都在城南五十里

樂昌縣元志二坊四鄉十八村明朝止十五廂都

復因征勦人民逃竄省於享皇落二都并入郭西

都今仍之

城南都附郭

郭東都附郭

河南都在縣南隔河半里

柏沙都在縣南隔河半里

郭西都五甲在縣西附郭五里在九峯去縣北六十里

里田都在縣南二十里

榮村都在縣東南五十里

曲碣都在縣東南二十里

安口都在縣東南三十里

土頭都在縣東三十里

辛田都在縣東北二十五里

韶州府志卷十一

輿地畧 坊都 樂昌

仁化

三

飯塘上都在縣西一百二十里

飯塘下都在縣西北一百二十里

仁化縣元志三鄉十五里明朝止六里今仍之

縣街都附郭

平山都在縣西三十里

石塘都在縣西四十里

扶溪都在縣北五十里

永康都在縣東五十里

永興都在縣西南五十里

乳源縣元志二坊四鄉十八村明朝止六里今仍

之

斗門都在縣南二里

利井都在縣東三十里

東廂都在縣西南五十里

武陽都在縣北一百八十里

龍浦都在縣西北一百五十里

崇德都在縣北二百里

翁源縣元志四鄉十七里土曠人稀延袤甚廣明洪

武初止三鄉五里續併一鄉增六里共十一里

國初仍之今分爲二十八舖

原設里圖

長安鄉里圖六

長一圖
長四圖

長二圖
長五圖

長三圖
長六圖

韶州府志卷十一

輿地畧 坊都 乳源 翁源

四

宜陽鄉里圖五

宜一圖
宜四圖

宜二圖
宜五圖

宜三圖
以上二圖明成

化十八年增
懷德鄉明永樂二十年除并

現分里舖

九牛舖在城東七十里

崑山舖在城東八十里

李村舖在城東一百里

鍾南舖在城東一百里

藍青舖在城東一百里

英村舖在城東一百一十里

茶園舖在城東北一百里

南塘舖在城東北一百里

芙蓉舖在城東北一百二十里

上莊舖在城東北一百二十里

巖頭舖在城東北一百四十里

貴塘舖在城東北一百五十里

藤山舖在城東南七十里

周陂舖在城東南八十里

陳礫舖在城東南一百里

礫頭舖在城東一百里

巖前舖在城東南十里

九龍舖在城東南四十里

龍頭舖在城東南五十里

韶州府志卷十一

輿地畧 坊都 翁源

縣前舖在城西十里

新塘舖在城西北二十里

江鎮舖在城西北二十里

鐵場舖在城北五十里

利陂舖在城東北五十里

太平舖在城東北五十里

茶潭舖在城東北六十里

龍仙舖在城東一百里

牛岡舖在城東北一百里

英德縣元志一州二縣四十六廂都明洪武初土曠

民稀止一廂九都續增十二都又一甲共二十二

里又一甲今仍之

在城廂附郭

竹逕都在城南三里

嚴政上都在城東北三十里

嚴政下都在城東南八十里

大陂都在城南一百里

清泉都在城西北一百二十里

仁義都在城北六十里

懷義都在城西南一百二十里

崇仁都在城西八十里

長河都以上十里洪武十四年設

韶州府志卷十一

輿地畧 坊都 英德

六

象岡都在城東南一百里

甘棠都在城東一百里

甘棠下都在城東九十里

清泉二都在城西二十里

嚴貴都在城東北一百二十里

湏陽都在城東五十里

德岡都在城東南九十里

仁義下都在城北七十里

清泉下都雜居各都

黃塘都雜居各都

巖政中都雜居各都

浹光都在城西北五十里以上十二都成化六年
新開

三江甲在城西一百二十里嘉靖五年開設

案坊都之設以清田賦府屬現行糧籍多係
活圖互相過割以此都之地推入彼都日久
相沿幾於不辨今依舊志詳其專屬之地照
板圖法使地畝不亂至活圖易於徵收亦便
民一道在察其弊而行之庶按籍而稽瞭如
指掌耳

墟市

曲江縣

韶州府志卷十一

輿地畧 墟市 曲江

七

清平市城北望京門外明嘉靖二十六年知府陳
大綸立在筆峯山下爲郡垣來龍過脈處輿經云
人烟稀曠則脈不團聚立墟所以聚之也後因寇

廢舊志

國朝康熙十一年知府馬元興復並樹碑清平亭上
未幾又廢至二十四年知府唐宗堯知縣秦熙祚
復設今仍之

國朝馬元興修復清平市記周禮司市掌市之治政教
刑量度禁令以次序分地而經市市也者所以通
商賈聚貨財無者使有利者使阜害者使亡靡者
使微也言其官有胥師有利者使阜害者使亡靡者
以朝或以日曷或以夕是故陳肆辨物至者如歸
然非原本而用則國服爲息一語亦足以誤天下
此無他不得其平將剖斗折衡與頭會箕歛弊等
耳韶郡舊有清平市在城北數武叔自明嘉靖丙

午南甯陳侯大綸堙二壕而亭其上北望韶石雙
關屹然虹電鐘船儼若圖畫筆峯秀整蜿蜒西走
少折而東而南入於郡為奧區凡人物之隆替戶
口之登耗民生之休戚均有係焉大音復全厥功
懋矣及余來守是邦聽事之餘巡行郊甸詣其所
一望榛蕪因詢父老訪殘碑得侍御何公文讀之
而如陳侯及諸君子之造於韶者甚大不禁喟然
興嘆也蓋余來韶及暮兢兢奉職雖治郡事如家
事不可合有一缺陷惟是六邑之內瘡痍豈盡後
賦役豈盡均盜賊豈盡消弭士風豈盡醇朴而且
備荒之未輯顧敢勞民力期子來乎父老相率而進
志之未輯顧敢勞民力期子來乎父老相率而進
曰使君之惠我韶也士安於庠農耕於畝商賈出
於途結萃園士虛無人也將再闢三衢若陳侯當
時所為市肆百五十區僉於公啓之今日使廢復
興煥復萃非公命之而誰命乎余感其言因檄曲
江縣合周君董而成之樓檨廉隅霞起山立地脉
既培民志斯定仍其名由陳侯舊也易其文從周
君請也他日者及期譏察見夫舟車輻輳踵接肩
摩攘攘熙熙林林總總恐其擾吾民也當思有以
別之見夫黍稷稻粱布帛菽粟錢刀筐篚碁布星
羅恐其炫吾民也蓋思有以殖之見夫佩帶刀裾

韶州府志卷十一

輿地畧 墟市 曲江

綵線趾高目佻莠言桀服恐其奸吾民也蓋思有
以靖之見夫菁蕪蒙翳重岡斷續纖萑介草生意
油然恐其類吾民也蓋思有以拊循煦噢之由是
而舉常平興義學兼教養劑恩威宣布
聖天子德音際造化所及永永無間皆此物此志也官
斯士者神而明之無失其時矢先王阜財之意不
至謬用其術以愚黔首而咎古人予固與諸僚屬
交儆之尤欲與諸君子共勉之焉

南臯墟在南門外康熙二十四年知府唐宗堯知

縣秦熙祚立

大塘墟 火山墟 楓灣墟 小坑墟 龍歸墟

犁步墟 重陽墟 一六墟 黃村墟 仁和墟

以上俱在捕屬

馬壩墟 石角墟 沙溪墟 烏石墟 白土墟

白沙墟 羅坑墟 樟潭墟 以上俱在濠瀆司

屬

大橋墟 靈溪墟 冷田墟 週田墟 大壩墟

黃坑塘 苦竹墟 以上俱在平圍司屬

又中峒墟木坪墟太平墟新濛濛墟舊濛濛墟
石下墟普濟墟大村墟火管墟牛峒墟平圍墟
俱見舊志

樂昌縣

陽春墟在城東河岸以十月開市

樓下墟 長埗墟 楊溪墟 北鄉墟 廊田墟

麻坑墟 以上俱在捕屬

老屋場墟 塘村墟 以上俱在羅渡司屬

韶州府志卷十一

輿地畧 墟市 樂昌 仁化

九

九峯墟在九峯司屬

仁化縣

太平墟在城西教場

國朝知縣熊惟祺立每月以三六十日為期四方貨
集民甚便利

厚坑墟 恩村墟 董塘墟 石塘墟 城口墟

湖坑墟 泥魚墟 以上俱在捕屬

長江墟 扶溪墟 俱在扶溪司屬

又界牌墟見舊志

乳源縣

洲頭墟 侯公墟 黃田墟 江灣墟 長公墟

太布墟 打墜墟 長嶺墟 壩子墟 長江墟

松樹角墟 石角墟 黃泥塘墟 以上俱在捕屬

三緣墟 沙坪墟 三和墟 七灘墟 武陽墟

以上俱在武陽司屬

又便民墟在學宮東見舊志

翁源縣

官渡墟 廟興墟 新波墟 西門墟 新江墟

荷坪墟 六里墟 利龍墟 太平墟 鎮子墟

龍仙墟 九仙墟 以上俱在捕屬

周陂墟 礮下墟 梁屋 埧墟 鄔岡墟 以上俱

在礮下司屬

韶州府志卷十一

輿地畧 墟市 乳源 翁源 十

三華鎮 李村墟 南浦墟 松塘墟 岡尾墟

壩子墟 饒村墟 魯溪墟 黃塘墟 以上俱

在桂山司屬

又犁頭岡墟見舊志

英德縣

龍頭墟 馬口墟 山橋墟 遙步墟 上砵墟

下砵墟 側塘墟 黃岡墟 黃城口墟 橫石塘墟

刺頭嶺墟 石角墟 沙口墟 以上俱在捕屬

青石塘墟 魚子灣墟 石嵩頭墟 太平墟 冷塘墟

白石市墟 青塘墟 大鎮墟 坪塘墟 洋湖塘墟

以上俱在象岡司屬

犀潭墟 下步墟 小舍墟 大洞墟 沙壩墟

高道墟 黎峒墟 暗逕墟 白石前墟 九龍墟

石舖墟 背村墟 魚咀墟 蔭水墟 橫角墟

營塘墟 獨山墟 長山墟 麻步墟 大灣墟

三江墟 竹塘墟 更鼓墟 英陽墟 以上俱

在洗口司屬

又龍門墟鳳儀墟河坑墟龍脰墟東岸墟俱見

舊志

案屬內墟市照現設開載舊志所列或廢或
易地或易名仍附存備攷至曲江南華墟因
瞻禮佛祖而設止二月初八八月初三兩日

韶州府志卷十一 輿地畧 墟市 英德 十一

無關日中為市可無錄矣

戶口

漢

桂陽郡戶二萬八千一百一十九口十五萬六千

四百八十八 漢書地理志

晉

始興郡 吳置統縣七戶五千 晉書地理志

宋

明帝太豫元年改始興曰廣興戶一萬一千七百
五十六口七萬六千三百二十八 宋書州郡志

唐

英州 英州舊戶 開元戶四萬三千二百三十 太平寰宇

韶州開元戶二萬二百六十四元和戶九千六百

六十四 元和郡縣志

韶州舊領縣四戶六千九百六十口四萬四百一

十六 舊唐書地理志

韶州戶三萬一千口十六萬八千九百四十八 唐書

地理志

宋

韶州戶主九千八百二客九百五十四 太平寰宇記

英德戶主四千三百八十七客五百九十二 同上

韶州府志卷十一

輿地畧 戶口

十二

韶州戶主五萬三千五百一客三千九百三十七

元豐九域志宋史地理志同

英州戶主六 江浙本俱作一 千六百九十客一千三百二

十九 同上

元

韶州路戶一萬九千五百八十四口一十七萬六

千二百五十六 元史地理志

明

洪武年戶一萬八千九百口八萬二千單六

永樂年戶一萬六千五百三十一口三萬八千一

百四十五

成化年戶一萬三千四百七十七口五萬二千五百

宏治年戶一萬五千四百四十三口七萬四千七百七十七

正德年戶一萬六千五百三十六口九萬三十二
嘉靖年軍民等戶一萬七千九百三十三口九萬

六百五十八

隆慶年曲江乳源英德三縣共戶一萬四千八百七十六口六萬三千五百一十七其樂昌仁化翁源三縣俱缺畧無考

萬曆年戶二萬二千三百五十五口十萬七千零

韶州府志卷十一

輿地畧 戶口

六十一

天啟年曲江翁源英德三縣共戶一萬六千四百六十四口七萬一千六百六十八其樂昌仁化乳源三縣缺畧無考

崇正年曲江翁源英德三縣共戶一萬六千五百九十五口七萬四千一百二十六其樂昌仁化乳源三縣缺畧無考

國朝

順治年戶二萬二千一百八十七口七萬八千一

百零一口七分

內除英德縣口一千二百三十口例全免編徭差民壯均平鹽鈔外

尚編口七萬六千八百七十一口七分

內除翁源英德割附

連平州長甯縣口一
千二百一十二口
尙實口七萬五千六百五十

九口七分又翁源縣新增口三百五十八口

康熙年戶二萬二千五百七十四口七萬八千一

百零一口七分
內除英德縣口一千二百三十口
例全免編徭差民壯均平鹽鈔外

尙編口七萬六千八百七十一口七分
內除翁源
英德割附

連平州長甯縣口一
千二百一十二口尙實編口七萬五千六百五

十九口七分又翁源新增口三百五十八口

康熙元年屆編審新增二千四百一十四口康熙

六年屆編審新增一千七百六十五口五分

康熙十一年屆編審新增八百九十七丁五分康

熙十六年屆奉

韶州府志卷十一

輿地畧 戶口

旨豁免編增

康熙二十年屆編審新增一千七百七十五丁五

分

康熙二十五年屆編審新增一千六百九十五丁

五分

乾隆年戶六萬七千四百一十口二十萬九千二

百零三

嘉慶二十四年戶八萬七千零三十四口五十五

萬八千三百二十七

道光年戶九萬一千一百口五十六萬二千三百

咸豐元年戶十四萬五千五百八十四口九十萬

八千二百二十九

同治十一年戶一十九萬三千五百零二口一百二十三萬七千七百七十一

曲江縣

元

戶四千七百七十二

明

洪武年戶九千五百六十口三萬七千九百二十

八

永樂年戶一萬一千四百九十二口一萬六千六百三十

韶州府志卷十一

輿地畧 戶口 曲江

十五

成化年戶六千二十四口一萬六千六百三十

宏治年戶六千五百五十口三萬四千八十三

正德年戶六千七百九十六口四萬三千二百零

八

嘉靖年戶七千一百二十九口四萬二千九百四

十六

隆慶年戶七千三百一十二口四萬三千二百四

十

萬曆年戶七千五百二十口四萬五千四百六十

天啟年戶七千九百零三口四萬九千三百七十

九

崇正年軍民等戶八千五十二口四萬九千六百一十二

國朝

順治年戶七千六百六十口三萬一千一百九十丁口七分

康熙年戶七千八百四十口三萬一千一百九十口七分又康熙六年屆編審新增一百四十九口嘉慶二十四年戶一萬八千九百五十口一十八萬一千六百二十四

同治十一年戶五萬七千八百三十二口二十四萬一千六百八十二

樂昌縣

元

至正年戶二千五百八十一

明

洪武年戶三千八百九十九口一萬六千五百八十八

永樂年戶三千七百一十口一萬一千九百

成化年戶二千二百七十七口一萬三千

宏治年戶三千一百四十口一萬二千九十四

正德年戶二千二百零三口一萬三千八百六十

嘉靖年戶二千五百二十四口一萬四千二百七十六

萬曆年戶二千八百八十八口一萬五千一百九十九

國朝

順治年戶三千三百零二口一萬四千一百三十一

康熙年戶三千三百九十口一萬四千一百三十二又康熙元年屆編審新增五百九十六口康熙六年屆編審新增九百零七口五分康熙十一年屆編審新增六百二十九口五分又康熙二十年

屆編審新增一千四百七十五口五分

嘉慶二十四年戶八千三百五十四口三萬二千七百四十三

同治十一年戶一萬二千五百三十六口五萬三千六百一十二

仁化縣

元

戶一千六百三十四

明

洪武年戶一千一百七十四口九千六百四十五
永樂年戶七百單七口三千二百五十五

成化年戶六百六十一口三千四百四十三
宏治年戶八百五十七口五千四百一十四
正德年戶八百九十五口五千七百一十五
嘉靖年戶一千一百二十五口五千七百八十
萬曆年戶一千四百二十九口五千九百九十

國朝

順治年戶一千六百一十一口三千九百八十四
康熙年戶一千六百一十三口二千九百八十四
又康熙元年屆編審新增一千四百四十五口康
熙六年屆編審新增八十五口康熙十一年屆編
審增二百五十一口康熙二十年屆編審增二百
四十口康熙二十五年屆編審增一百四十八口
嘉慶二十四年戶九千一百四十八口三萬六千
七百九十四
咸豐元年戶一萬三千六百口七萬七千三百
同治十一年戶一萬三千七百一十一口十四萬
二千一百六十三

乳源縣

宋

淳熙年戶一千九百一十四口五千二百二十三
寶慶年戶二千八百九十口八千八十九

元

至元年戶一千九百二十二內鍾乳戶十口三千八百二十九

明

洪武年戶一千四百三十二口五千六百二十二
永樂年戶六百一十二口二千七百一十八
成化年戶五百六十八口三千一百五十

宏治年戶一千三十四口四千八百二十四

正德年戶一千一百七十口四千八百九十六

嘉靖年戶一千四百七十二口四千九百五十六

隆慶年戶一千九百七十五口六千四百五十六

萬曆年戶一千九百八十八口六千五百二十九

國朝

順治年戶一千零七十六口五千三百二十五

康熙年戶一千零八十九口五千三百二十五又

康熙元年屆編審新增三十七口康熙六年屆編

審新增二百二十六口康熙二十年屆編審新增

六十口

嘉慶二十四年戶七千七百六十五口三萬一千

三百四十七

同治十一年戶一萬二千一百八十二口一十二

萬二千三百七十三

翁源縣

明

洪武年戶五百六十口一千一十二

永樂年戶三百五十六口一千四百一十四

成化年戶八百四十七口四千四百二十二

宏治年戶一千六百六十口六千九百三十六

正德年戶一千八百三十八口八千七百七十

嘉靖年戶二千二百五十六口一萬二千一百九

十六

萬曆年戶二千三百九十六口二萬八百一十六

天啟年戶二千三百九十七口九千二百二十二

崇正年戶二千三百九十口一萬一千七百二十

韶州府志卷十一

輿地畧 戶口 翁源

二千

二

國朝

順治年戶二千三百八十五口九千一百七十四

內除割附連平州九百三十七口

實存八千二百三十七新增三

百五十八口

康熙年戶二千四百七十四口九千一百七十四

內除割附連平州九百三十七口

尚存八千二百三十七又續增

三百五十八口康熙六年屆編審新增一百四十

六口

嘉慶二十四年戶三萬二百三十二口一十二萬

六千一百八十二

同治十一年戶四萬三千三百六十三口一十七萬四千一百三十四

英德縣

明

洪武年戶二千二百七十五口八千二百三十

永樂年戶一千二百六十口四千八百零六

成化年戶二千一百口一萬一千八百五十五

宏治年戶三千六百一十二口一萬三千五百四

十七

正德年戶三千六百三十口一萬三千九百六十

一

詔州府志卷十一

輿地畧 戶口 英德

二五

嘉靖年戶六千二百四十七口一萬五千一百五

十一

隆慶年奉撥長甯縣戶三百二十二口九百五十

二存戶五千五百八十九存口一萬三千八百二

十一

萬曆年戶六千一百三十四口一萬三千六十七

天啟年戶六千一百六十四口一萬三千六十七

崇正年奉撥長甯戶一百三十二口二百七十五

存戶六千一百五十三存口一萬二千七百九十

二

國朝

順治年戶六千一百五十三口一萬四千二百九

十七內除一千二百三十口例全免編徭差民壯均平鹽鈔外實編一萬三千

零六十七口內除撥長甯縣二百七十五口尙實一萬二千七百

九十二口

康熙年戶六千一百六十八口一萬四千二百九

十七內除一千二百三十口例全免編徭差民壯均平鹽鈔外尙實編一萬三

千零六十七口內除撥長甯縣二百七十五口尙實編一萬二千

七百九十二口又康熙元年屆編審新增三百三

十六口康熙六年屆編審新增二百五十二口康

熙十一年屆編審新增一十七口康熙二十五年

屆編審新增二十一口

韶州府志卷十一 輿地畧 戶口 英德 二十三

嘉慶二十四年戶一萬一千五百八十五口一十

四萬九千六百三十七

同治十一年戶五萬四千八百七十八口十五萬

三千八百一十一

風俗

習尙簡樸不事紛華俗重稼穡山澤無禁耕樵織

紅可以自給山谷之民有老死不見官府者然土

多瘠瘠終歲勤動僅給衣食而已市井貿易自日

用飲食之外珍奇之貨不售焉村落客至相欸用

油茶下茶物皆油煎舊志

商不富賈不巨工不良技不巧歲時不事遊宴圖經

韶故名郡士多愿慙少浮華可與進於道者蓋有

張九齡余靖之遺風焉

朱晦菴集

曲江山水秀麗衣冠不乏沃壤滿望故人樂農而

厭商喪溺浮屠病憑巫覡冠婚過早卽搢紳之家

猶然

通志

樂昌人性勁直尙氣節田廣人稀故耕樵堪以自

給疾病惟醫不信巫與廣州諸郡異

仁化俗尙真率士樸民醇土壤沃饒故耕織有餘

器訟鮮作犴狴時空第其麻俗病專祈禳喪侈宴

席猥云從厚

乳源商少農多習於樸魯民無告訐之風山谷猺

韶州府志卷十一

輿地畧 風俗 樂昌仁化乳源翁源

三

獠逡巡懼法往來貿易賦役無虛蓋知安生而樂

業矣

俱同上

翁源在昔地廣人稀俗重稼穡少商賈習尙簡樸

嗣後戶口殷繁逐末者多風氣漸趨華靡田一歲

再熟粒米有餘人多負氣好訟山出斷腸草愚夫

婦因小忿輒採服輕生家屬乘而圖賴明崇正間

知縣朱景運詳允服毒人命不究其習稍變今則

風教涵濡多知自愛矣

翁源志

英德富家樂商販貧者重農耕

英州圖經

巨產之家得米卽南下於廣買鈔鹽貧無以爲生

者則採山之奇石以貨焉

真陽志

土俗醇樸頗知詩書科目代不乏人明初地少居人至成化間多有自閩及江右來人籍者習尚一本故鄉與粵俗差異

英德志

山奇石怪性習居剛私忿健訟服蔓輕生向多有之今此風漸革頗效醇良

同上

郡屬歲時鄉俗大畧相同立春日競看土牛撒米麻豆於牛背名曰驅厲迎祥元日夙興拜神祀先長幼以次稱慶親鄰見輒相賀又西河俗於初五夜昇廟神遊街衢士女競觀數夕乃止元宵觀燈架棚燈有大數圍者皆人物花鳥奇巧生動之狀徹夜喧鬧十六夜婦女走百病擷園中生菜曰采

韶州府志卷十一

輿地畧 風俗

二五

青十九日掛蒜於門以辟惡二月祭社分肉小兒食之使能言各鄉農家設酒醑米糲祭神聚飲以興東作預祈豐稔十五日花朝至三月上己祓禊清明插柳於門其前五日始一月中掃墓郊行謂之踏青亦曰剷草俗曰壓紙以楮置墳上也

嶺南雜記

云宗孫盛者堆如積雪

四月八日浮屠浴佛五月五日爲端

陽祀祖先飲蒲酒饜角黍鏤艾虎書朱符爲兒女佩採蓮競渡夏至日擘荔薦祖考磔犬以辟陰氣六月六日鄉民宰牲搽粉迎神作樂慶禾稼初登七月七日大家曝書帙衣服於庭中元薦祖考焚五色花楮或集僧眾作盂蘭盆會中秋置酒夜飲

爲賞月亦扮故事遊闖闖中重陽上墓仍登高飲
茱萸酒兒童競放風箏十月朔日各鄉大舖製米
糍作犒牛會冬至作冬糍祀祖有祭墓者臘月念
四日爲小年夜祀竈此日後擇吉掃舍以示更新
除夕易門神更桃符貼紅黃利市錢懸祖先像於
中堂供至元宵始撤長幼宴集守歲爆竹金鼓比
屋相聞前數日各製白糍年糕果品相遺曰餽歲
本夕多炊米飯足供數日餐謂之隔年飯

舊志

附獠俗

獠人一種惟盤姓八十餘戶爲真獠皆盤瓠之裔
也別姓亦八十餘戶性獷悍烏言今亦漸習華語

韶屬六封曲江樂昌乳源英德四縣有之一曰板
獠戴板於首以油臘束髮粘其上月整一次夜以
高物度首而卧採山爲生者也無板曰民獠或耕
山或耕田耕山者花麻而不賦耕畝者編戶與民
同女飾耳環婦則屏之跣足無袴繫重裙男子亦
穿耳飾環男婦通着綵繡花邊首裹花帕婚姻不
辨同姓腰刀弩搏虎狼食多野獸以粟米釀酒七
月十五日祀其祖有狗頭王者小男女衣花衣歌
舞爲侑性亦巧或製器以易鹽米攝其族者有獠
總歲時閭一講縣令今雖編入冊籍然非我族類
不無盜心或通宜章莽山陽山鵝子峒諸獠互相

煽引非設方畧以禁之未易治也舊志器用尙質有

竹鐺截大竹以當鐺鼎食物熟而竹不燂有銃鼓

狀如腰鼓腔倍之上銳下侈以皮鞞植於地坐拊

之有編架弩無箭槽編架而射俱見桂海虞衡志習尙似

樸而近於戇焉

物產

穀屬

稻有芒穀卽吾南方所食之米北人謂之大米有

黏不黏兩種其黏者曰稞俗作糯屬內所產有香

糯大糯細糯紅頭糯衣下糯之分其不黏者有二

一曰穰俗作粘種類甚繁以樂昌黃粘爲最一日

稞亦作杭俗作粳俱一歲兩熟兼赤白二種

高粱粟古謂之稷本高六七尺似蘆結穗於末粒

如綠豆大色赤味平

狗尾粟其米爲梁有黃赤二種黃者黏赤者不黏

北人謂之小米

狗爪粟穗末分開如狗爪形色黃粒細與狗尾粟

同

鴨爪粟古謂之黍其穗疎散形如鴨爪粒圓細無

壳有黑黃赤白四種

苞粟一名珍珠粟本高四五尺一結數苞苞長二

三寸至六七寸大徑寸餘粒圓滑如金珠味甘平

大麥亦名麩麥以曲江西水麥爲上可作麵筋及線麵

瞿麥又名穀麥形與大麥差異有芒翳食必杵去蕎麥一名三角麥有紅花白花二種又名花麥豆類有大黃豆大青豆白花豆俱性平大烏豆性寒赤小豆利水去濕綠豆清心明目解毒除煩小黑豆名馬料子性濕馬食易肥人食補腎煑作豉良

麻芝麻也有黑白黃三種黑者名巨勝入穀之中惟此最良

芋一名蹲鴟有黃芋南芋紅牙芋等名俱大而美

韶州府志卷十一

輿地畧 物產

三七

可代糧食英德三山有花腰芋雖小甚佳番薯自呂宋來蔓地而生植之最易形圓而長大如兒臂或紅或白皆甜美飯客稱諸飯切片蒸曝是曰諸糧

山藷生山中纖細而長俗曰竹篙藷亦曰山藥藷有膚色微紫形如豬肝大者重數十觔曰豬肝藷亦曰黎峒藷

布屬

吉貝草本低小如桑枝自呂宋來春生吐黃花入秋結爲白綿歲一植紡之爲棉頭布屬內所產不多而輕煖異於他處

苧麻宿根栽生一歲三收屬內產亦不多鄉村績之爲夏布僅以自給又有青麻絡麻黃麻各種可爲繩索之用

麻經布以麻縷爲經棉紗爲緯成布極爽初秋著之最宜

蕉布一種山蕉其絲堅韌可績爲布

葛布山農漚而織之質麤重一種細理潔白杜詩有云韶州白葛輕是也

絡麻布織絡麻爲之可供喪服

酒屬

玉蘭酒以墨泉井水和糯米釀成性平味醇

韶州府志卷十一

輿地畧 物產

二十六

英酒出英德又一名滴酒比常加釀竹筵都所釀尤佳

清酒隨處俱有以糠米釀成味清而香烈

冬酒蒸糯米爲之置廚屋間經十年者香甜異常並能補血

油屬

茶油性涼味清雖寒不凍結茶生高七八尺花白結子霜降摘之研爲油

椒油以花椒子合茶子研油性香烈辟春瘴除魚肉腥穢

花生油以落花生爲粉榨油性香膩而滑

菜油菜子研成色黃氣微腥以點火良
桐子油山多種桐至秋剝其子爲油以供油飾
麵茶麵可以去垢菜子麵花生麵桐子麵壅田最
美

糖屬

紅糖冬月取茅蔗汁煎熬注蓆上凝結界成片亦
曰片糖以和米麵粉爲餅食

蜜糖蜜蜂所釀出翁源爲多在高山巖石間有毒
糝以胡椒熟而食之無害又人家窠檻收養味尤
醇厚取糖以冬夏爲上秋次之春則易變而酸
飴糖以瞿麥芽和糯米漿熬成味清甜

茶屬

茶產羅坑大舖烏泥坑者色紅味醇經宿不變
南華製茶味甜香濃以少置爲佳

毛茶出西山有白毫苦澁大寒消暑解熱去積滯
荃一名臯蘆葉大如掌以片葉入壺色味俱足多
反苦澀治咽喉之症

樂昌茶味甘平可供常飲

金屬

金英德洽滙有金池又金山逕子貢嶺下砭各溪
澗中皆產金砂土人淘之僅足日給
銀山有銀鑛者輒有白氣上升或山石熱時有銀

汗白而味辛其非或紅如亂絲或白如草根或銜
黑石或有脈謂之龍口鑛以有大點銀星而柔者
爲上點小而堅者次之曲江有銀山樂昌墟頭江
有銀鑛英德之鐘峒堯山竹溪師子向設銀場長
岡山紅磔山等處皆出銀鑛恒以私採致鬪歷經
封禁

銅屬內之山不產銅鑛宋時饒州張潛通方伎得
變鐵爲銅之法使其子詣闕獻之韶之岑水用其
法能成銅今則場廢不行矣

錫韶州當嶺南阨塞雜產五金英德堯山產錫堅

白尤勝

粵東見聞

明正德間湖廣人在五石番嶺堯山

各處偷採鉛錫官司察害捕禁嘉靖間復行開採

民訟於當道知縣劉慎坐罷自後嚴禁

舊志

鐵曲江乳源翁源英德向有鐵爐今惟曲江靈溪爐
尙存凡產鐵之山見黃水滲流則知有鐵掘之得
大鐵非一枝其狀若牛則鐵牛也循其脈路深入
掘之斯得多鐵矣

鉛鑛產諸山鉛有黑白二種屬內產惟黑鉛

石屬

英石出英山生山谷間大小相疊一一嵌空鬪竦
具峯巒巖峒之狀卽一拳許亦輒芙蓉亂削乳竇
交通巉巖勾漏其出土者爲陽石受雨雪多質堅

色蒼扣之清越入土者陰石反是粵中有數種一

微青色間有白脈籠絡一微灰黑一淺綠各有峯

巒嵌空穿眼婉轉相向其質潤扣之微有聲又一

種色白四面峯巒聳拔多稜角稍瑩徹面面有光

可鑿物扣之無聲杜縮雲林石譜大者置園亭小者列几

案無不奇巧玲瓏語云英石三妙皺瘦透郝通

孫穀賦客有選一拳之多於英山者重襲筠籠過

都閱驛西湖將歸手玩弗釋或晒之日粵海以西

此類也夥蔽莽阻荒徑易果且石之珍寓內者

有矣若滇之大理淮之靈璧推徐巖之竹栢交如

鑿端坑之翠鸚津密是磬是屏可書可奕又如六

合之近雨花碧黃之間白赤珀璫讓文精彩相射

置網而摻怪奇百出抵掌而評疇居第一試錯列

於君前僕僕焉當不勝其顛揖乃僅此之見厥用

奚益居傾之客乃髯動眉軒以指叩石鏗然有聲

因舉似以曉其未悉曰二五之英凝而為質纖巨

韶州府志卷十一

輿地畧 物產

三

各成挺然特立雖登崑之視磊塊向味海之斟一

滴他或隨物而遷用殊而靡歸乎極茲品也體陽

至剛守介不屈峭澤玲瓏巖居所剔蜂竇劍稜瑀

筋蒼骨斤鑿未雕賦形合格起伏姿多背向情別

潤比琢瑛皎如洒雪欹若雲垂空如月缺矯拔參

差璧削迸裂給鈇豹吞蜿蜒虬結恍遊天台跨石

梁儼入勾漏穿圭穴尺峯具千仞之勢幽洞疑仙

靈所宅東素練以橫腰界飛泉而掛脅龕之塏之

池之植之昌獸芳芬儵魚出沒隱雲霧而蛟潛張

指尖而嶽列政達人鍾祥毓傑凡百君子取斯

有節不擲地而夏玉敲金時佐文而鎮箋逸筆卓

爾莫變其初麗吾遊以相習益將拜夫丈翁妙藏
多於拳屹彼龍興而蒸礎潤而瀝類物理之自然
測吾生之難測子不見鬱鬱嶙嶙昂昂特特嬉盼
間騰光嵐於
咫尺乎哉
鄭賡詩刻意出新古摩挲勢欲飛一拳如此幻十
襲未全非蒲老根同瘦雲生影半肥古苔都脫盡
似我衣
其二一入他山詠嶽寄豈浪名與人邱壑想觸物
有無聲蠡測窮千劫珍傳得一貞袖中明月影何

事獨
償成

陳洪範詩問君何事眉頻縐獨立不嫌形影瘦非
玉非金音韻清不雕不刻胸懷透甘心埋沒若終
身盛世搜羅誰肯漏幸得硜硜磨不磷於今頽脫
出諸袖

盧甘石出英德乾溪最良

石鍾乳出洞穴中石液凝成產乳源者佳明初歲
貢二十劬後因鮮出罷貢

石灰屬山多石青者可燒爲灰其法爲窰累石燒
以草以煤灰成以飾垣墉糞田疇

硫磺出英德山中或黃而青或黃而淡向來採辦
磺磺俱設廠開鑪傾液成餅解充軍用

青礬磺礦精液已瀉渣滓堆積於野雨淋日炙年

韶州府志卷十一

輿地畧 物產

三

久杵碎以水熬之成青礬

膽礬出翁源寶山水流入曲江明初貢生熟礬十
二劬後因難採罷貢

麴泥似石灰滑膩如油可合米粉爲麴釀酒

玻璃料以鉛入爐雜以白石粉鎔之而成其色光
亮微青土人作之售諸省佛吹成玻璃器皿

藥屬

石斛生山谷中有木斛石斛二種木斛生泥土莖
長大而中虛石斛生石上莖短小而中實色較光
澤名金釵石斛價恒倍

黃精根如子薑九蒸晒可服食益人

仙茅葉青如茅而軟且畧潤而有縱文春初乃生採以八月

金櫻子一名糖罌子取熟者以木臼搗碎去渣熬成糖功專收斂釀酒佳

天門冬生山谷中葉如荷香蔓生根大如指色白稟寒水之氣上通於天故名

麥門冬葉如韭長尺許四季不凋一本橫生根顆連絡

水楊柳俗呼水楊梅治牙頤神效

車前子卽詩所謂芣苢徧地皆產利小水

又枸杞益母草蒼耳忍冬藤香附子薄荷紫蘇

韶州府志卷十一

輿地畧 物產

三

半夏香薷黑牽牛馬鞭草何首烏使君子澤蘭

菖蒲馬齒莧茺菜萸花椒杜荊葶麻均見舊志

菜屬

貢菇產南華寺味香甜種菇以早稻稈堆積清水澆之隨地而生今鄉人效種頗多惟馬壩沙溪狗耳嶺得曹溪水者尤佳

國朝例貢曲江南華菇四箱由撫署檄縣採辦

香菇產屬內深山浙人來此賃山伐桑樟等木橫置於地鑿空藏水隆冬菌冒雪生曰雪菇有花紋曰花菇味最香厚俗呼香信入春生者味減

冬筍山中毛竹所產其生離根不出土鄉人視土

所處取之甜爽異於他筍

菠菜甘冷滑無毒利五臟通腸胃熱解酒毒下氣調中止渴潤燥根尤良

薤菜甘平無毒悞中野葛毒者煮食之可以消毒羅蔔有紅白二種生熟均可食醃尤佳

蒼蓬菜甘苦性寒滑無毒夏月以菜作粥解熱止熱毒痢諸禽獸傷擣傅立瘥

莧菜利大小腸治初痢

生菜一名白苣甘寒解酒毒消煩渴利大小腸芹菜生池澤中春夏之交得木氣先長二三尺莖白而肥一種旱芹形差小氣芳烈其根爲芎藭

芥菜味辛苦性疏利同三稜煮食疏通積滯

白菜一名菘所謂秋末晚菘卽此得霜尤腴

芥藍菜如芥而藍葉有鉛不宜多食六祖避難以菜寄煮肉鍋故又名隔藍

韭菜益丈夫食宜三月香味異常夜雨剪春韭信然

藤菜一名落葵蔓生葉柔滑可食

木耳味甘平有小毒益氣不饑已痔一人患痔諸藥不效用木耳煮羹食之而愈

荳腐寬中益氣和胃消脹以武溪水釀者尤佳

蒜葷菜味香烈蒜仁能治牙痛以一粒搗爛視大

指下手腕拗處依左右傳之一宿必瘥傳處必起
一小泡越日自消

薑山人所植依黃土而生辛辣異於他處

又苦蕒蛾眉豆龍爪豆刀鞘豆扁豆五月豆茨
菇蔥薤芫荽茼蒿均見舊志

瓜屬

西瓜紅瓢味甘消暑止渴產沙土者良

黃瓜一名胡瓜清熱解渴利水道可醃爲菹

白瓜身細而長色白以醃醬瓜更良

冬瓜皮生白灰者曰白冬瓜味甘微寒擣汁服消
渴除煩利小便

節瓜蔓地易生一節一瓜故名得水氣最多能解
暑熱

絲瓜甘平無毒老者筋絡貫串房隔聯屬能通人
脈絡臟腑

胡蘆瓜味甘性滑其葉可茹

苦瓜原出南番又名癩葡萄亦曰錦荔枝能除邪
熱其味甚苦然雜他物煮之他物弗苦自苦而不
以苦人有君子之德焉故又曰君子菜出翁源者
尤美

番瓜味甜色黃可以充饑白者加糖煮食可斷阿
芙蓉癰

茄大細不等有青紫白各種甘寒無毒多食損目
又甜瓜瓠瓜酒杓瓜均見舊志

花屬

蘭有山蘭草蘭珠蘭各種山蘭葉細草蘭葉長皆
素莖朱瓣紫衣珠蘭花如米珠微黃香清而遠
白蘭產仁化名仁化白色潔香清與他蘭異植法
培以淨土澆以清泉朝宜向陽日中設涼棚障之
花不多開開輒兆吉品蘭者推第一種競珍購焉
桂出桂陽韶地舊隸桂陽有桂山其植多桂葉似
枇杷而小花白秋華冬實子有小核色碧味烈又
本草綱目言韶州有牡桂

木樨葉如梔子而光潔四季作花其色黃一名金
桂

月季有紅白及淡紅三種逐月而開故曰月季
山茶色紅花開耐寒亦有白色者以其類茶可作
飲故名茶梅堯臣詩云南國有嘉樹華若赤玉杯
曾無冬春改常冒雪霜開

換錦有脫紅換錦脫綠換錦葉似水仙冬生至夏
而落獨抽一莖二尺許或紅或綠葉落而花曰脫

紅脫綠花落而葉曰換錦

粵東
筆記

梔子一名薝蔔花六出色白而芬三月尤盛

杜鵑以杜鵑啼時開故名花有粉紅大紅黃紫諸

色

紫荆二月開花時無葉成球密綴枝極皆作紫色
又雞冠紅白蓮薔薇粉團滴滴金夜落金錢茉莉
素馨玉簪鷹爪金鳳芙蓉映山紅千葉榴海棠
棠紅白佛桑紫薇夜合含笑均見舊志

果屬

頻婆果形如鳳眼一名鳳眼果味爽微甘果熟多
兆吉祥事

梨出翁源清甜異於他處

柚一名條詩秦風有條卽此有紅白瓢二種英德
繁花盛開楊萬里詩云惟有春風不寒乞隔溪吹

韶州府志卷十一

輿地畧 物產

三七

送柚花香

黃皮一名金彈子鹽醃醒酒開胃核磨水塗消孩
子頭瘡

楊梅一名桃子如彈丸色赤五月熟甘酸

枇杷卽盧橘夏熟最夥

五斂子黃色皮肉脆軟味極酸上有五斂一名三
斂有一種味甘如醴名楊桃

卍字果形如卍字橫直方正蒂在卍字中間不可
見生食香其名蓬菘子釀酒良其木可材

李屬內所產甚繁出南華寺三華鎮者皮有白霉
味最甜美餘則甘酸錯出

蔗有茅蔗白蔗二種茅蔗取汁熬糖所在多有白
蔗味淡遜於廣產

荔枝樹高五六丈綠葉蓬蓬冬夏榮茂青華朱實
大如雞子肉白如肪至日將中翕然俱赤可食

唐張九齡荔枝賦菓之美者厥有荔枝雖受氣於
震方實稟精於火離乃作酸於此裔爰負陽以從
宜蒙休和之所播涉寒暑而匪虧下合圍以擢本
傍蔭畝而抱規紫紋紺理黛葉細枝翳鬱而靈
縵合而芬纒如蓋之張如帷之垂雲烟沃若孔翠
於斯靈根所盤不高不卑陋下澤之沮洳惡層崖
之險巖彼前志之或妄何側生之見疵爾其句芒
在辰凱風入律肇允含滋芬敷謐溢綠穗靡靡青
英苾苾不豐其華但甘其實如有意乎敦本故微
文而妙質蒂葯房而攢萃皮龍鱗以駢比膚玉英
而含津色江萍以吐日朱苞剖明璫出回然數寸
猶不可匹未玉齒而殆銷雖瓊漿而可軼彼眾味
之有五此甘滋之不一伊醇淑之無準非精言之
能悉聞者勸而竦企見者訝而驚佇心志可以蠲

韶州府志卷十一

輿地畧 物產

三

忿口爽可以忘疾且欲神於醴露何比數之湘橘
援蒲桃之見擬亦古人之深疾若乃卑軒洞開嘉
賓四會時當燠煜客或煩憤而斯果在焉莫不心
侈而體快信雕盤之仙液實琬瑁之綺續有終食
於累百愈益氣而治內故無厭於所甘雖不貪而
必愛沉美李而莫取浮甘瓜而自退豈一座之所
榮冠四時之爲最夫其貴可以薦宗廟其珍可以
羞王公亭十里而莫致門九重兮曷通山五嶠兮
白雲江千里兮青楓何斯美之獨遠嗟爾命之不
工每被誚於凡口罕獲知於貴躬柿可稱乎梁侯
梨何幸乎張公亦因人之所遇孰能辨乎其中哉

杏梅出樂昌花紅實甜

仙米產韶州仁化丹霞山粒如粟而色綠煮熟大
如米其味清腴

落花生蔓生吐花落而結子於土屬內繁殖田家
煮食充饑或和鹽水炒爲口果商人採買爲油亦

農之一大利也

勃薺俗名馬蹄甘寒無毒利肝和中誤吞銅鐵多食能化

又石榴蜜桃栗棗柑金橘香椽佛手柑梅柿葡萄龍眼欖芭蕉蓮藕俱見舊志

草屬

芝產涼傘山之洞雲菴

瓦松瓶栽置瓦脊間可已火災

簷前草卽屋簷下雨水滴處所產青草色最碧綠薜荔蔓生葉小而密延緣牆上動輒滿壁柳宗元詩密雨斜侵薜荔牆卽此

鳳尾草形如鳳尾葉綠罕花花開多兆科名

藍染草二月種五月收產山石間宿根在地可供兩年採而漚之爲靛其值頗高

薯蕷產深山中有紅白二種白者不材紅者多膠液俗以染布

艾葉味苦微溫俗採葉搗爛去汁以其渣和糯粉作饗色碧綠可愛

地膽草一名還魂草似芥以蛤試之能起死回生馬兜鈴藤一名三百兩銀解蠱毒

土常山一名三百頭牛解蠱毒

旱蓮草花白汁黑狀如蓮蓬故名搗爛以擦牙疼

甚效

犁頭草狀如犁頭搗汁點熱眼甚效眼起膜搗傅手之關脈依左右傅其膜自脫

山極虎莖葉俱青方莖直榦每節三葉品字對生長三四尺跌打刀傷取根煲酒服搗葉傅傷處神效

白草出仁化扶溪草長三四寸叢生莖葉披垂遇雨先白晴復如常

天河頭卽野芋與家芋無異蜂螫搗汁傅之神效
蕨粉出曲江乳源翁源細嫩者佳性涼消暑

返魂草產曲江東龍頭山人死半日採草以童便

製服尙可還魂

又萱草紫草均見舊志

竹屬

毛竹質堅實以作器用久益光滑其筍有春筍冬筍之分冬筍藏在土不掘亦敗春筍則籜解而成竹

黃竹凡竹每節皆有芽蘗其莖當芽蘗處必凹所謂谷也惟黃竹之節無芽

紫竹產觀音山他處亦有皆野生以飾竹器甚雅
花頭竹卽撐篙竹其用最廣土人所植惟此及水竹爲多

斑竹色微黃有黑旋斑如鳳眼或作碎斑世傳湘妃灑淚點竹成斑產山澗中採為斑管為烟竹

丹竹亦曰簞竹節長二尺練以為麻織之是名竹

布故曰南越食竹衣竹唐開元間韶州調以竹子

布即此本粵東筆記

木竹竹譜韶州多生竹一莖如萬歲藤一節長四

尺無花而實實如草豆蔻土人鹽之以為果

甘竹其筍甚甘可食

麻竹長數丈大者徑尺概節多枝叢生回枝葉大

如履筍鮮甘可食

釣絲竹類蕩竹枝極柔弱

桂海虞衡志

蒲竹狀如筋竹筍甘可食

方竹出乳源其孔亦方

觀音竹枝葉修整植之軒窗間極得雅人深致

油竹水浸曬乾為燎可代燭所在皆有

黃金竹枝弱小以作竹箒禾場用之

笏竹一名棘竹自根橫生枝條展轉如織葉下有

鈎刺或在條末如芒針土人栽為牆籬甚固

筋竹長二丈許圍數寸至堅利南土以為矛竹譜

蓼竹出英德

又大頭竹江南竹鶴膝竹瀟湘竹俱見舊志

火紙漚竹為之俗謂之紙煤

江灣紙出曲江續源江灣兩處紙理堅緻可染五色

英紙巨紙幅窄而質薄出英德荏嶺等處

木屬

菩提樹生南華寺中葉似柔桑依於淨土結子可作念珠

赤子木綻子如珠色赤紋理堅緻中材與鐵力木無異

檫俗呼爲黎有豬血檫有赤檫有箕衣檫子如珠饑可食名錐子繁則歲儉大者用作楹柱

石斑木一曰虎斑木紋似虎斑堅緻可材

黃錯木黃京木青構木俱堅緻可材

梓葉似桐而小木理如楸以色紅者爲上可作琴瑟棟梁

杉一名披櫛似松而勁直葉附枝生若刺針可作屋柱船料其用甚廣俗呼爲沙木

樟木高者恒五六丈大十圍木性直有紋而香長短大小無不適用

苦棟村落間嫁女多用作奩具

石膠木其木有膠可春香粉

桃榔木似欂櫨有節如大竹青綠聳直高十餘丈有葉無枝綠陰茂盛結子葉間數十穗下垂長可

丈餘子如檳榔而小可食葉黑遇雨聲可聽如芭蕉然

欖產乳源樹有皮重疊裹之每皮一匝爲一節採以爲簑爲毯

蚊母樹卽古度樹葉如冬青實如枇杷熟則拆裂有蚊子從內飛出

松遍山皆植作薪用甚廣其大者鋸板可材

栲木所在皆產以供爨薪赤者良

榕隨處皆有茂盛者影亭立如幢蓋

蠟樹冬青放蟲收取白蠟故以爲名

香膠粉有二種一是採石膠木連根株枝葉砍碎

入水確舂爛是曰石膠一是採冬青各等有膠樹皮入水確舂爛是曰皮膠皮膠值恒倍

又柏槐楓楠柳桐檀烏白均見舊志

畜屬

牛有水牛黃牛村里務農家率畜牛爲生計近來城市宰牛供饌宜行禁止

馬屬產不多素封家間畜之以代步

羊性畏露土人飼以未時草孳息甚繁乳羊出英

德碧落洞周輝清波雜誌云乳羊飲鍾乳澗水體

白如乳遇到方見然不常有也醫經云羊食百草

其病在腦乳羊則不然

豕稱肥豕家率餵畜以資養老

犬有黃黑各色以獨生如獅形者良

貓產頗多土人以毛色辨美惡善捕鼠者稱烏雲

蓋雪貓眼方圓能辨十二辰

雞飼以花生味最清美

鵝多蒼色婚禮用代奠雁

鴨以炒米字化分夏冬兩季冬鴨醃食佳

禽屬

白鴿久患瘡疥食之立愈

斑鳩食之令人不咽正月鵬月捕食味如蟹過十

餘日不可食

太平御覽

山鳳凰灰色嘴足紅潤尾長一尺餘一名山鷓鴣

鷹爾雅作鷓鴣注當作鷓鴣即左傳所謂鷓鴣是

也

鷓鴣似鷓而黑嘴能沒入深水取魚

雉雌小而雄大雄有文彩雌麻色

畫眉好鬪善鳴粵志云眉長不亂者善鳴胸毛短

者善鬪

鷓鴣飛逐月數其名自呼

古今註

了哥即釋名所云秦吉了也能效人言解人意

翠鳥爾雅作鷓注云似燕紺色其羽可為飾

鶉頸短頭細土人網得擇其雄者以鬪其雌者售

人充食

巧婦一名相思仔即詩所謂桃蟲也因桃蟲而變故其形小性絕巧以茅葦羽毛為房南越筆記

白鷗張華曰行止閑暇故曰鷗李昉命為鷗客薛氏以為雉類汪氏以為白雉按爾雅白雉名鷗南

人呼鷗如寒則鷗鷗聲之轉似山雞而色白有黑文尾長三四尺冠距紅赤嘴丹爪本草綱目

又鶴鴻鴛鴦練雀黃鷗燕鴉麻雀啄木子規春雀鳩鴝鷓蠟嘴竹雞山胡鵲鴿伯勞白頭公

鷄梟均見舊志

獸屬

韶州府志卷十一

輿地畧 物產

四十五

鹿山中間有五月解角端有茸雖遜北產亦能滋補

麋似鹿而小其大者謂之麋旄尾狗足牡者有短角黧色

麋似鹿而小黃黑色牡者有牙出口外性善驚故從章吳越春秋曰章者偉偉也釀酒有消風之功豺狗狀如狗身細而足長頭銳爪利見牛豕騰伏其背爪入肌肉挖其臟而啖之虎亦畏避

熊豬味極美產深山中

豪豬一名箭豬即封豕也本泡魚所化豪在脊間如箸白本黑端逐之則激以射人

山牛兩睛紅見人弗避或曰眼上有兩旋毛似四眼

果狸在果樹上食果實故名肉香而肥其掌有肉貓狸狀如貓味較甘美最滋陰補腎

白足狸自能爲牝牡一名不求人亦曰靈貓其膾可代麝

猴山中多有百十成羣侶少入山恒爲所侮

虎大者如牛長六七尺毛斑如水波紋年不順成往往虎入民房諺曰清溪濛濛早眠晏起言多虎也

豹小於虎身有金錢斑點虎生三子必有一豹

韶州府志卷十一

輿地畧 物產

四

赤狗穴居吠則不祥

土麝似鼠而大嘴短穴居以蘆筍爲食

又山羊山馬山豬羚羊熊獺狐均見舊志

魚屬

鮠一名草魚甘溫無毒能發諸瘡

鯽一名鮒魚埤雅云鯽魚族行以相卽也故謂之鯽以相附也故謂之鮒

鯉鱗有十字文理故名其脇鱗自頭至尾無大小皆三十六鱗

鱸巨口細鱗味甚美

魴南方魚以魴爲上

郝通志

如白魚而身稍短尾不

偃真江尤多黃尾鯪尾作金黃色故云

鱒魚盛於四月以時而至故曰鱒

石首魚狀如鱒腦中有二石子瑩白如玉

鯪魚類鮎嘴長無鱗大者數十觔

鮎魚北人曰鯪體涎無鱗故名鮎言黏滑也大頭

偃額故又名鯪大者至三四十觔

鱒魚一名鯪其頭最大俗稱大頭魚食之已疢

鰻魚一名魴魚小頭縮項窮脊潤腹扁身細鱗其

色青白然犀志

鱒魚卽江湖之橫魚頭嘴長而鱗皆金色嶺表錄異沈

懷遠南越志含光謂鱒魚正黃而美故謂鱒魚夜

韶州府志卷十一

輿地畧 物產

四

則有光太平御覽

鬼頭魚出樂昌滎溪味香美俗傳古曾入貢

又鰻鮠鯪鯢甜魚青魚竹魚烏魚蠍魚斑魚俱

見舊志

介屬

穿山甲一名錢鱗一名鮫鯉色黑四足其鱗堅利

如鐵能穿山而行入土尺餘則不可出好食蟻其

甲灰可治蟻瘻

毛龜大如錢以水養之其毛披放色碧綠置之几

案可辟蠅廣語

白鼈可愈痰火症其初得諸神授有口號云烏耳

蟾白脚魚滋陰降火只須與

山瑞狀如鼈而形較磊砢產山溪澗中食之益人
蝦多子母蝦市上熟而賣之

田螺生田間性甚寒

石螺生山澗中色白比田螺小可食不如田螺美
蚌生池塘中肉甚薄

蟹本產鹹水屬內所產小而乏味

又龜鼈鼈螃蛙均見舊志

蟲屬

蝶有五色仙彩產園林中諺呼爲探花使

蟬以初夏鳴其聲清嘒入秋者爲寒蟬

韶州府志卷十一

輿地畧 物產

四六

蜂山人以房養之釀糖一窠中有蜂王以子午時
魚貫而朝

天蠶食樟楓葉歲三月漬醋抽絲長七八尺色如
金堅韌異常土人以爲釣絲

蟋蟀產石穴者體小而強其聲清越土人捕之衛
以筠籠置磁盆中觀鬪爲戲

螢其類不一初如蛹腹下有火數日能飛者茅根
所化爲螢其長如蛆尾有火不能飛者竹根所化

爲熠燿螢飛而熠燿行故曰宵行俗謂之放光蟲
山蛭大山中人跡罕到之所常有之人涉其處在

地者緣足而上在樹者雨墜而下驅拂不去或蒜

或喜塗擦手足乃免

蜚有二種青者生深山樹葉中曰飛蜚亦曰旱蜚
聞聲則飛刺人取血專集耳後黃者生行潦中一
名水蜚入人肌肉嘔血誤吞之則生子腹中噉食
臟血飲黃土水或蜜水數升可解

器用屬

水碓近溪流湍急處爲小屋置碓坎其中橫施大
軸當碓尾處各安短楸以起碓屋內軸頭入柱近
水軸頭安車葉以激水水激撞車車翻碓起舂香
膠粉恒必由之亦曰香碓

水車當溪流轉曲衛以竹木累石障水壅之急流
通舟楫者中留一口爲舟行來往因於湍急處橫
架木規編藤爲輪大一二丈輪周悉繫水筩外昂
內俯筩傍置一小竹筴爲車葉葉隨水轉水隨筩
運注於木規流灌高田由近及遠無不沾溉子瞻
詩水上有車車自翻水是也一名大翻車水車一
輛可供水碓十三四

祥異

東晉太元八年三月始興大水平地五丈

五行志

十八年六月始興大水深五丈

武帝紀

宋元徽元年世祖爲廣興相嶺下積旱水涸不通
船上部伍至水忽暴長庾温云易利涉大川之義

也南齊書
祥瑞志

齊永明二年始興曲江縣山崩壅溪水成陂五行志

三年七月始興郡民龔元宣云去年三月忽有一

道人乞食探懷中出篆書真經一卷六紙又表北

極一紙又移付羅漢居士一紙云從兜率天宮下

使送上天子因失所在今年正月元宣又稱神人

授皇帝璽龜形長五寸廣二寸厚二寸五分上有

天地中央蕭字下萬世字祥瑞志

七年黃龍見曲江縣黃池中一宿三日祥瑞志

八年始興郡樂昌村獲白鳩一頭祥瑞志

陳大建五年衡州馬生角隋書五行志

韶州府志卷十一 輿地畧 祥異 五十一

唐開元二年鼠害稼千萬為羣馬端臨文獻通考

宋端拱元年五月英德大水壞民田廬舍數百區

天禧元年正月韶州獻瑞木文曰天下太平玉海

天聖八年翁源多虎知州王益下檄捕之有五虎

自斃唐志

明道元年十一月甘露降五行志

熙甯元年英州雷震一山梓樹盡枯而為龍腦價

為之賤至京師一兩纔值錢一千四百五行志

紹興十六年韶州各屬邑鼠食稼時廣東大旱羽

鱗之屬化為鼠有漁者設網得魚數百頭且視之

皆鼠自夏徂秋方息歲大饑舊志

淳熙十三年翁源大饑詔賑之

慶元元年樂昌大水縣城西小山衝去河流嚙城

脚俱同上

淳祐四年英德夏六月不雨至秋八月知英州顧孺履禱於正順顯佑夫人祠下三日大雨城市水

盈尺許縣志

六年夏英德又旱顧孺履復禱於正順顯佑夫人祠三日微雨再行虔禱越三日大雨霽霑累日

元大德元年十月英德大水賑之俱同上

明天順十三年樂昌仁化饑舊志

宏治五年壬子大水府城民居淹圯甚多樂昌大

韶州府志卷十一

輿地畧 祥異

五

水翁源下鄉溪水溢同上

六年四五月間英德霖雨數旬洪水壞壤有司發

米千石賑之民賴存活縣志

正德十一年英德虎入民廬同上

十三年翁源訛言彌勒出世後劉法珠應之舊志

嘉靖元年英德水漲十餘丈壞民居廬舍

五年韶屬旱知府唐昇奏減民租賦之半

九年英德樂昌翁源乳源蝗饑竹有實民採食之

十一年冬大雪冰厚一尺山木河魚凍死幾盡

十三年夏翁源上鄉蛟見

十四年霖雨水衝壞乳源城樓數十間五月復大

水壞民田廬舍不可勝計翁源下鄉虎暴上鄉溪水溢

十五年大旱米價翔湧

十七年八月翁源大風拔樹傷稼

十九年皇岡虎暴知府符錫親率壯士搗其穴斃之

二十年翁源大雨雹

二十一年翁源夏旱秋蝗

二十二年霪雨饑

二十四年二月二十四日乳源雷火擊燒廬舍瓦礫如塵時天大雨獨下街徐文紀家無雨

韶州府志卷十一

輿地畧 祥異

五三

三十年翁源虎暴

三十一年翁源上鄉溪水溢

三十二年翁源饑

三十八年仁化有怪物夜入民居其光如焰民間訛言彌月不息

隆慶五年辛未夏五月大水

萬曆六年仁化大水壞城垣九十丈知縣袁伯睿修復

七年乳源大水壞學宮

俱同上

十三年英德蝗害稼大饑

縣志

十七年十八年翁源歲大有英德亢旱知縣蘇大

用虔禱乃雨

十八年夏乳源縣前江中羣蛇貫穿一線自下而上至燕口巖穴中一日夜乃盡人擊之亦不為害
秋大熟冬霪雨

二十一年英德饑俱同上

二十二年翁源連歲饑山中蕨根民食過半舊志

二十三年英德饑縣志

二十四年英德又饑

二十五年秋九月英德霪雨俱同上

二十九年乳源八月十八夜大風雨平溪水暴漲

舊志

韶州府志卷十一

輿地畧 祥異

五

三十六年翁源大旱知縣萬應奎申請減歲輸十

之一同上

四十年翁源歲大有縣志

四十四年五月初四夜曲江英德大水入郡城深

五六尺舟行闐闐中人民漂沒廬舍衝圯城外十

九城中十一水退井泉腥穢飲輒患痢死者日以

百計歲大饑樂昌城西南水深八尺東北半之民

避於古教場真武閣水潦退城市皆魚舊志

四十七年英德旱田圻裂炎瘴鬱蒸縣志

天啟二年英德饑

四年英德旱

六年英德又饑

崇正四年翁源饑夏英德大水

五年英德饑多虎白日截路噬百餘人通判趙之球建醮七日驅之始絕

七年正月大雪三晝夜深一二尺七月英德大水是歲稔

八年夏五月英德大水象岡高臺鎮房屋漂沒秋大旱穀價騰貴俱同上

九年曲江翁源旱英德大饑樂昌大水饑民倡亂平倉知縣黃鶴騰戢之舊志

十年十一年翁源歲大有縣志

韶州府志卷十一

輿地畧 祥異

五

十一年樂昌城東猪生一子猪身獅首兩眼環大鼻勾無孔額有赤角如筍直上耳舌正圓準坑承漿類人唇紅上下各三齒眾聚觀久之乃斃是歲

英德饑舊志

十二年二月樂昌大風摧毀民居無算至善寺古樟五六圍盡拔

十三年九月樂昌至善寺古榕大十餘抱空中火起如焚膏三日乃盡先有猴至樹把總俞大成張弓往射設炮擊之猴應接如對壘甚捷薄暮啼號墜地而獲術家謂猴應觜火畜樹災兆也

十六年清明後曲江地震有聲是歲夏秋大旱俱同

上

國朝順治四年翁源英德大饑斗米錢六百翁源知縣李甯和勸人平糶捐俸煮粥活人甚多縣志

十年三月米斗四錢舊志

十一年三月大旱田俱裂禱弗應通判周憲章迎六祖於曹溪徒步往返至郡次日即雨

十二年八月旱禾盡枯迎六祖禱弗應樂昌旱虎暴

十三年正月大雪四日冰厚尺餘木盡枯俱同上

十五年秋樂昌大旱禾稼半收八月英德黃泥塘地陷成潭約一里許縣志

韶州府志卷十一

輿地畧詳異

五十五

十七年仁化虎暴終夜繞城噬人舊志

康熙二年二月大雪三日是歲翁源大有年縣志

四年夏旱是歲饑樂昌知縣李成棟申請本縣減

歲輸十之一仁化大水浸東南城丈餘衝毀沿河

民居無算舊志

七年冬相江雨天蝦大如燈蛾形如蝦惟多雨翅

同上

八年翁源歲大有縣志

九年二月初九夜郡城雨雹大如雞子如龍眼或

三角俱甚堅移時成水官私廬舍多壞舊志

十年四月乳源大水入城近河民房衝決無數

十一年夏旱知府馬元通判池鳳翼知縣周韓瑞步禱五日是歲痘疫城內尤甚兒童死者以千計英德縣大水淹城鄉間山水忽湧衝壞民廬糧田甚多

十六年七月樂昌江水忽漲闐闐成河民舍城郭半爲衝圮

十七年夏曲江大饑時有司捐資施粥全活甚多十九年七月翁源亢旱知縣迎詹神久禱始得甘雨禾乃登

二十年翁源夏多霪雨秋復亢暘是歲歉收明年春穀價騰貴饑民載道知縣設廠施粥全活者衆

韶州府志卷十一

輿地畧 祥異

五

二十四年曲江春夏大旱知府唐宗堯通判吳鑿知縣秦熙祚率屬虔禱五日大雨樂昌亦旱知縣程黻步禱得雨翁源晚稻不熟

二十五年五月曲江旱知縣秦熙祚步詣城隍廟虔誠默禱兼焚誓文三日卽雨遠近霑足樂昌亦旱知縣程黻祈得甘霖是歲春翁原因去年秋成不熟穀貴民饑知縣劉士麒發粟賑濟民賴生全二十六年夏四月大澇二十二日雙江齊漲瀆水尤甚西南二門水深九尺城外兵民房屋及城垣倒塌甚多至六月旱物俱患災禋知府唐宗堯知縣秦熙祚虔誠步禱七日乃降甘雨民始甦俱同上

三十五年翁源上鄉多蝗下鄉旱次年饑穀價騰貴知縣周之謨開倉煮粥富戶捐米助之民賴以

安縣志

三十七年翁源歲大有

四十一年十一月大雪

四十二年六月大雨雹是歲稔

五十二年翁源饑米貴如珠知縣李朱綬開倉賑

濟邑民得活俱同上

雍正六七年翁源相繼豐稔穀價甚平縣志

八年夏翁源旱官民迎詹神至城虔禱甘霖大沛

九年六月英德大雨平地水深二丈許

韶州府志卷十一

輿地畧 祥異

五

十年翁源磔下山水湧發衝壞田廬無數俱同上

乾隆十一年四月曲江仁化乳源英德被水災冊

十二年九月英德大雨水漲浸縣署照牆縣志

十六年夏英德大雨山水驟漲柯木岡鄉被災轉

徙邑人李亦桂招難民至其鄉處以房屋散給柴

米復捐千金助賑存活甚眾同上

二十一年三月翁源大風雹城垣頽塌文廟官衙

民房俱損壞是年至次年多虎患縣志

二十三年翁源饑穀價踊貴署縣劉世宏申請賑

恤穀價漸平

二十六年翁源歲大有

二十九年五月雨後大刮南風黑雲纍纍自南而北南雄大雨數日河水漲高數丈英德縣署水深五尺浸塌民屋甚多壓死男婦千餘口禾稼無收三十五年夏英德復大水

三十八年英德大饑餓殍相望監生吳伯纘捐銀四百兩與巡檢司設法賑濟又減穀價平糶全活甚眾

四十年六月英德大水

四十一年三月英德雨雹大如鴨卵六月復大水

四十四年春正月英德地震聲如雷鳴房舍撼動

四十八年英德虎暴遠近噬人數十

韶州府志卷十一

輿地畧 祥異

五十一年二月英德雨雹大如彈子有核五月大旱至次年五月乃雨民大饑餓殍相望李仕榮出穀濟人全活甚眾

五十六年英德連歲水漲縣署水深五尺禾稼淹沒無收俱同上

五十七年仁化大水曲江靈溪洞多虎噬男婦數

十後用機檻獲虎始安採訪冊

六十年仁化饑穀價甚貴同上

嘉慶九年四月英德大水縣志

十三年英德大饑李亦楨捐穀二千餘石煮粥賑

濟活人甚多

十五年秋九月英德大水

俱同上

十六七年英德復大水

俱同上

十八年乳源近城里許忽有蝨蟲數百萬飛蔽天

日知縣馬驕設劉猛將軍神位鎮之蝨忽不見樂

昌有巨虎入城

採訪冊

英德饑米價騰貴白石李宰捐穀二百餘石賑其

鄰

縣志

二十一年二月英德雨雹三月又雨雹

二十四年樂昌大雨雹大如卵穀不稔人多疫

二十五年夏秋大旱曲江樂昌仁化瘟疫大作死

者橫籍

俱同上

韶州府志卷十一

輿地畧 祥異

五十九

道光四年四月十三夜忽雷電交作大雨如注乳

源城西雙峯寺背山頂墜二巨石聲隆隆然繞山

而來合寺驚怖至寺後分左右盤旋而止至今猶

存

採訪冊

五年仁化大旱次年米昂貴斗米錢七百

縣志

八年三月英德雨雹大如碗屋瓦破裂四月曲江

靈溪水漲丈餘田多冲圯

九年夏四月英德大雨三日水漲發

十二年正月英德翁源雪下地尺如棉三月蟲食

麥苗幾盡冬復雨雪如棉

俱同上

十三年三月曲江灣頭雨雹大若碗屋瓦多漏四

月翁源大雨水漲數丈冲塌廬舍夏樂昌旱穀米騰貴及秋英德水漲十五次禾稼無收採訪及縣志

十四年五月英德大雨三日水漲縣堂深四五尺七月水復漲淹浸民房尤甚山崩地坼陂圳改道

是歲大饑道殣相望縣志

十五年夏英德旱同上

十六年春夏樂昌仁化旱五月始雨秋曲江旱無

雨泉涸地裂晚稻不登九月大水曲江塘頭村背

冲開埧地數百畝見古時屋址銅鐵器皿多崇甯

重甯年號銅錢縣志及採訪冊

十九年六月曲江樂昌英德大水冬十一月曲江

韶州府志卷十一 輿地畧 祥異 六

東水及英德地震有聲採訪冊

二十年八月十七夜初更曲江樟樹潭村見天上

有物極紅頭如箕尾數丈由北轉南而沒連响數

聲如雷

二十八年八月樂昌大水城垣冲圯數丈壞民居

甚多

二十九年二月曲江大雨雹屋瓦多碎四月大水

郡城水深數尺翁源同時漂塌屋舍無算英德饑

邑人陳洪蠲穀三百石賑濟全活甚眾

咸豐二年三月翁源南塘舖雨紅水色如淡胭脂

三年六月曲江大水浸城兩日南門水深一丈有

奇西門深五六尺東北門深三四尺闐闐舟游惟
府署縣學宮高街僅免於水冲塌東城一帶淹沒
南門房屋及兩岸田廬無算南韶連道祥和率屬
設廠賑災七月復水浸及南門樂昌縣同時被水
城內深丈餘三日始退

四年九月樂昌城產一豚兩頭兩尾一身八足二
肚觀者如市十一月玉井出紅水沙井與蓮溪亦
然

六年四月英德連日大雨青塘水漲數丈民居多
圯六月曲江旱知縣五福詣南華祈禱迎六祖至
城卽日大雨秋大熟

七年翁源大饑穀價騰貴斗米錢一千二百餓孳
載路知縣李嗣宗開倉平糶民心稍安英德亦饑
邑人李滄范靜川俱捐米百石賑濟全活多人

八年七月彗星見西北方長丈餘經月始沒

九年樂昌饑英德橫石塘黃厂堰每日有青紅蝦
蟆數萬銜草爲兵器分隊相鬪日出始散

十年樂昌仁化歲歉收

十一年彗星見西北方長丈餘月餘乃滅仁化饑
斗米錢八百八月樂昌出水巖長逕銅坑等處天
雨豆有五色斑文堅硬不堪食

同治二年歲少稔

三年正月大雨雪樂昌穀貴竹忽開花結實貧民多取以療饑六月龜峯寺下河現鐵練一條大如杯人攬不動三日始沉是歲旱

五年四月曲江鳳山上下地水湧出深至丈餘衝破埧田房屋無算

六年翁源虎暴噬男婦數十人各鄉禱於詹神虎稍潛跡秋樂昌蝨害稼後得西風雨始息

七年正月二十三夜翁源大風驟發屋瓦飛鳴吹折大樹無算六月仁化早晚稻歉收

八年春多雨夏秋曲江樂昌旱地涸禾槁早稻晚稻無收

九年二月仁化天雨雹大如碗損傷田秧民屋甚多三月旱六月二十九日英德大雨山水暴漲溪頭黃竹溪及龍眼洞等處山崖崩裂田廬多塌八月仁化湖坑洞蝗蟲遍野忽有鴉數百飛集食之數日俱盡是年晚稻歉收

十年三月英德猛風驟發大樹多折屬內旱不能播種南韶連道林述訓躬詣南華虔禱卽降小雨二十日迎六祖至城供奉二十五連日大雨民始布穀四月仁化翁源天雨雹傷稼七八月早晚稻歉收是歲樂昌饑

十一年三月雷大震雨雹大如碗傷稼曲江桂山

重陽墟等處屋瓦多碎樂昌仁化亦同

十二年歲大有

俱同上

韶州府志卷十一

輿地畧 祥異

六三